

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine Službene novine Federacije Bosne i Hercegovine", broj: 12/03, 34/03, 65/13), člana 16. i 17. Zakona o osnivanju Javne ustanove Veterinarski zavod Tuzlanskog kantona Tuzla ("Službene novine Tuzlanskog kantona", broj: 11/03) i člana 20. Pravila Javne ustanove Veterinarski zavod Tuzlanskog kantona Tuzla, broj: 01-10/22 od 13.01.2022. godine, Odluke o utvrđivanju uslova i kriterija za imenovanje u regulirane organe ("Službene novine Tuzlanskog kantona", broj: 4/12-prečišćeni tekst, 6/12, 8/14, 12/15 i 13/15) i Odluke Upravnog odbora o raspisivanju Javnog oglasa za izbor i imenovanje direktora broj: 02-254-06/26 od 08.07.2026. godine, raspisuje se:

JAVNI OGLAS

za izbor i imenovanje direktora

Javne ustanove Veterinarski zavod Tuzlanskog kantona Tuzla

a) Opis pozicije:

- Organizira i vodi poslovanje JU VZTK Tuzla, predstavlja i zastupa JU VZTK Tuzla; zaključuje ugovore, poduzima sve pravne radnje u ime i na račun JU VZTK Tuzla;
- Odgovara za pravovremeno obezbjeđivanje finansijskih sredstava potrebnih za zadovoljavanje potreba iz domena djelatnosti koju JU VZTK Tuzla obavlja;
- Stara se o provođenju dogovora, sporazuma i ugovora koje ju VZTK Tuzla zaključi ili im pristupi;
- Predlaže Upravnom odboru mjere za efikasno i zakonito obavljanje djelatnosti, unutrašnju organizaciju i sistematizaciju poslova i osnove plana rada i razvoja;
- Izvršava odluke Upravnog odbora;
- Podnosi Upravnom odboru godišnji plan rada i izvještaj o finansijskom poslovanju;
- Donosi sve odluke u vezi sa zapošljavanjem, zasnivanjem i prestankom radnog odnosa te o pravima radnika iz radnog odnosa JU VZTK Tuzla,
- Donosi odluke o pojedinačnim pravima radnika u slučajevima utvrđenim odredbama Zakona i općim aktima Zavoda,
- Odobrava godišnji plan edukacija i plan nabave svih proizvoda i usluga za potrebe Zavoda,
- Odobrava stručna putovanja u zemlji i inostranstvu,
- Učešće u implementaciji sistema upravljanja prema zahtjevima važećeg standard BAS EN ISO/IEC 17025, te u postupcima održavanja i kontinuiranog poboljšavanja upravljanja,
- Obavlja i druge poslove utvrđene Zakonom i općim aktima JU VZTK Tuzla.

b) Kandidat mora ispunjavati sljedeće opće uslove:

- Da je državljanin Bosne i Hercegovine;
- Da je stariji od 18 godina, ali ne stariji od 65 godina;
- Da je zdravstveno sposoban za obavljanje poslova na koje se kandidira;
- Da nije otpušten iz državne službe kao rezultat disciplinske mjere na bilo kojem nivou Vlasti u Bosni i Hercegovini, u periodu od tri (3) godine; prije dana objavljivanja;
- Da nije ošudivan za krivično djelo;
- Da nije kažnjavao iz oblasti privrednog prijestupa i da mu nije izrečena zaštitna mjera zabrane vršenja poziva, djelatnosti ili dužnosti;
- Da se na njega ne odnosi član IX.1 Ustava Bosne i Hercegovine;

- Da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti Federacije Bosne i Hercegovine ("Službene novine Federacije Bosne i Hercegovine" broj: 70/08);

c) Pored ispunjavanja općih uslova, kandidat mora da ispunjava sljedeće posebne uslove:

1. Da ima završen Veterinarski fakultet, VII stepen stručne spreme, odnosno završen integrirani studij prvog i drugog ciklusa veterinarske medicine u trajanju od pet godina, koji se vrednuje sa 300 ECTS bodova,
2. Položen stručni ispit koji doktori veterinarske medicine ili diplomirani veterinari u Bosni i Hercegovini polažu pri nadležnim organima entiteta i Brčko Distrikta, nakon završenih univerzitetskih studija veterinarstva;
3. Najmanje pet (5) godina radnog iskustva u struci;
4. Da nije član upravnog, izvršnog ili drugog organa političke stranke;
5. Da nema privatni finansijski interes u Veterinarskom zavodu i da nema drugih smetnji za imenovanje utvrđeno posebnim propisima;
6. Da nije član upravnog ili nadzornog odbora drugog reguliranog organa, a ukoliko jeste član drugog upravnog, odnosno nadzornog odbora, dostavit će ovjerenu izjavu da će po konačnom imenovanju odstupiti sa pozicije u roku od sedam (7) dana od dana imenovanja;
7. Da nije dioničar sa 50% i više dionica, direktor ili član uprave bilo kojeg dioničnog društva, kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću;
8. Da nije direktor javne ustanove koja se finansira iz kantonalnog budžeta ili iz kantonalnog vanbudžetskog fonda,

d) Uz prijavu kandidata, koja treba da sadrži kraću biografiju, adresu i kontakt telefon, potrebno je priložiti sljedeću dokumentaciju:

1. Kraća biografija;
2. Uvjerenje o državljanstvu (ne starije od 6 mjeseci);
3. Izvod iz matične knjige rođenih
4. Dokaz o zdravstvenoj sposobnosti (dostavlja ga naknadno izabrani kandidat);
5. Uvjerenje nadležnog općinskog suda da kandidat nije kažnjavan iz oblasti privrednog prestupa i da mu nije izrečena zaštitna mjera zabrane vršenja poziva, djelatnosti ili dužnosti ne starije od tri mjeseca;
6. Dokaz o ispunjavanju općih uslova iz tačke b) alineja 4, Javnog oglasa (dostavljaju samo kandidati koji su zaposleni ili su bili zaposleni u posljednje tri (3) godine prije objavljivanja Javnog oglasa, u državnoj službi, na bilo kojem nivou Vlasti u Bosni i Hercegovini), odnosno izjava ovjerena od strane nadležnog organa, ne starija od tri (3) mjeseca (dostavljaju je samo kandidati koji ne rade ili nisu radili u organima državne službe, u posljednje tri (3) godine);
7. Izjave kandidata, ovjerene od strane nadležnog organa i ne starije od tri (3) mjeseca, o ispunjavanju općih uslova iz tačke b) alineja 5. 7, i 8. javnog oglasa;
8. Dokaz o školskoj spremi (Ovjerena kopija diplome ili uvjerenja o diplomiranju);
9. Dokaz o položenom stručnom ispitu;
10. Dokaz o radnom iskustvu (Potvrda ili uvjerenje nadležnog organa o radnom iskustvu iz kojeg je vidljivo da kandidat ima najmanje pet godina radnog iskustva u struci nakon završenog stepena stručne spreme);
11. Izjave kandidata, ovjerene od strane nadležnog organa i ne starije od tri (3) mjeseca, o ispunjavanju uslova iz tačke c) alineja 4, 5, 6, 7 i 8. Javnog oglasa
12. Plan rada za mandatni period (kratko na maksimalno četiri stranice kucanog teksta)



- e) Dokumenti koji se prilažu uz prijavu na Javni oglas moraju biti originali ili ovjerene kopije a izjave ovjerene;
- f) Neblagovremene i nepotpune prijave neće biti razmatrane;
- g) Sa kandidatima koji uđu u uži izbor, obavit će se intervju. Za sve kandidate koji u potpunosti ispunjavaju opće i posebne uslove javnog oglasa, u postupku konačnog izbora uzet će se u obzir sljedeći kriteriji: dužina radnog iskustva na poslovima iz djelatnosti JUVZTK, veći stepen stručne spreme srodnog zanimanja, komunikacijske i organizacijske sposobnosti, minimum znanja o organizaciji i djelatnosti JUVZTK, sposobnost nepristrasnog donošenja odluka, sposobnost upravljanja finansijskim i ljudskim resursima, naklonjenost timskom radu, rezultati rada tokom karijere i predloženi plan rada za mandatni period.
- h) Javni oglas bit će objavljen u "Službenim novinama Federacije Bosne i Hercegovine" i u dnevnom listu "Dnevni avaz", web stranici Zavoda i web stranici Službe za zapošljavanje TK-a.
- i) Prijave na Javni oglas mogu se dostaviti lično ili putem pošte, najkasnije u roku od 15 dana od dana posljednjeg javnog objavljivanja na sijedeću adresu;

Tuzlanski kanton
JU Veterinarski zavod Tuzlanskog kantona Tuzla
2. Tuzlanske brigade br. 28
TUZLA

Sa naznakom

("Prijava na Javni oglas za izbor i imenovanje direktora
Javne ustanove Veterinarski zavod Tuzlanskog kantona Tuzla
- NE OTVARAJ! OTVARA KOMISIJA")